

Celine Mounole | MIARRITZE

Nueve reinas, Fabian Bielinsky zinemagile argentinarren filma proiektatu zuten herenegun gauean, eta badirudi oso harre-
ra ona jaso duela publikoaren aldetik. Film hori goiz batez hasten da, eta 24 ordu geroago bururatzen. Egun horretan, Juan eta Marcosek iruzurra asko egiten dituzte, eta jendea damurik gabe engainatzen. Hori baita filmaren gai nagusia: iruzurra. Baina, bukatzean, Marcosek Juan engainatu nahian hura da itsutua.


«Filmak Argentinan egunero gertatzen direnak kontatzen ditu. Hasieran, Fabian Bielinsky zinemagileak istorio soila kontatu nahi zuen, baina eszenak grabatu arau, konturatu gara nahigabeen Argentinaren egoera erakusten zuela», azpimarratu zuen Gaston Paulsek, zein pelikulako bi pertsonaia garrantzitsuenetakoa baita, Juan alegia. Baina, filmean agertzen denak «Argentinan egunero gertatzen denaren zati ttipitito bat baizik ez du erakusten. Ez da ikusten haurren miseria, baina horiek ez dute jostatzeko bitartekorik, eta jateko beharra dute», azpimarratu zuen.

«Film nahiko krudela iruditzen ahal du, gizakiek nola elkar jaten duten erakusten baitu. Kanibalismoa eguneroko bizian agertzen da, eta politikan ere bai. Bestalde, nolabait herrien arteko kanibalismoaren ispilua da, herri aberatsek, xumeagoak jaten baitituzte...», esan zuen.

Baina, nahiz egoera axolagarria den, «umore askorekin era-

Gaton Pauls: «'Nueve reinas' gure gizarteko iruzurrei buruzko filma da»

Oso harrera ona jaso du filmak Miarritzeko jaialdiko ikusleengandik



BOB EDME

Interes handia piztu zuen atzo Gaston Pauls aktoreak Miarritzen.

ARGENTINA

«'Nueve reinas' filmak, egunero Argentinan gertatzen direnak erakusten ditu, hango egoera uzten du agerian»

KANIBALISMOA

«Kanibalismoa eguneroko bizian agertzen da, eta politikan ere bai. Herri aberatsek xumeagoak jaten dituzte»

kutsia da, eta horri esker giza-
kiaren akatsez negar egin beha-
rean, irri egiten da» gaineratu
zuen Paulsek. Azkenean, filme-
an denek galtzen dute, eta «gal-
tzaileei buruzko filma da» Gas-
ton Pauls aktorearen arabera.

Nueve reinas biziki film polita da, eta jende askok preziatu du bere egiazkotasunarengatik. Fabian Bielinsky zinemagileak Argentinako zinemagintza be-

rriro pizten lagundu du. Orain arte 400 bat iragarki eta film luze asko egin ditu. Zuzendari laguntzaile gisa lan egiten du, bestalde, eta INCen (Instituto Nacional Zinematografikoan) irakasten du. 2001ean *Nueve reinas* filma grabatu zuen Argentinan, hango aktore ospetsuenekin, Gaston Pauls eta Ricardo Darlinekin adibidez.

Gaur egun, zinemagintza hedatuz doa Argentinan. «Zinema eskola asko ireki dituzte. Baina, nire ustez, zabaltze hori argentinarrak adierazteko duten behar handian oinarritzen da. Uste dut herri batek krisiak iragaten dituelarik artea oxigenoa bezala dela. Itotzen ari diren herritarren oxigenoa», adierazi zuen aktoreak.

Garai latza, baina artegintza interesgarria

Argentinarrak beren boza entzunarazteko tresna bilakatzen den unea, errealitatea epe labur batean ahanzteko modua dela ere erran zuen Paulsek. Baina, «nahiz eta garai latza bizitzen dugun azken aldi hone-tan, gauza oso interesgarriak gertatzen ari dira arte mailan, dela antzerkian, musikan edo zinegintzan» azpimarratu zuen azkenik.

Fabian Bielinsky *Nueve reinas* filmeko egilea Miarritzen izango da, Gaston Pauls aktorearekin, eta menturaz Ricardo Darinekin (Marcos). Jaialdia hetsiko duen ekitaldian agertuko dira, eta beharbada Urrezko Eguzkiarekin itzuliko dira Argentina-ra. Epaia, alabaina, gaur eman-
go da. Gaur da misterioa argitu-
ko.

Latinoamerikako literatura ere ohoretan zen atzo, Margo Glantz eta Mario Bellatinekin

Celine Mounole | MIARRITZE

Atzo, Latinoamerikako idazleei buruzko hainbat hitzaldi entzun zitezkeen Miarritzen. Margo Glantz idazle mexikarrak testu zenbait irakurri zituen goizean, bere estetika hobekiago ezagutarazteko.

Mario Bellatin, hori ere Mexikarra, arratsaldean egon zen luzaz, *Salon de Beauté* bere liburu berria aurkezten. Liburu horrek kontatzen du homosexual baten pasioa arrain exotikoen-tzat. Gaur ere, beste hainbat idazleren ezagutzeko parada izango da. Goizeko 11:00 orenetan, Reinaldo Arenas eta Michel Pouvreau idazleek beren lana azalduko dute. Igandean, berriz, belaunaldi berriko idazleei buruzko mahai ingurua izango da.


HONDARRIBIA

URRIAK 7


AZOKAK

ARTE - Gipuzkoa Plaza & BROKANTE ETA BILDUMA Jostaldi Frontoia

Hondarribiko Udala
Kultura Saila

HONDARRIBIKO UDALA Hondarribia



Azoka · FERIA · Marché · Azoka · FERIA · Marché · Azoka · FERIA · Marché · Azoka · FERIA · Marché

aranburu jauregia

T o l o s a

Nori Ushijima

pintura

(irailaren 14tik urriaren 13ra)

Eduardo Chillida

Juan Sebastian Bach-en omenaldia

(irailaren 11tik urriaren 6ra)

Ordutegia: jaiegunetan eta astelehenetan izan ezik, 17:30 - 20:30

Sta. Maria plaza, 4. Tel.: (943) 674811. Faxe: (943) 672622